

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.05.2018թ. թիվ 1808048121 որոշումն անփոփոխ, իսկ վարչական բողոքն առանց բավարարման թողնելու մասին

<<06>> 06 2018թ. 17-13-65215-18/17-13-1246

ք.Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Պետրոս Մարկոսյանի դիմումի քննարկման արդյունքում ստեղծված նյութերը՝

Պ Ա Լ Զ Ե Ց Ի

Երևան քաղաքի Սայաթ-Նովա թաղամասի 5 շենքի 13 բնակարանի բնակիչ Պետրոս Մարկոսյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 16.05.2018թ. թիվ 1808048121 որոշումը՝ նշելով, որ Ոստիկանության կայքէջում տեղադրված տեսանյութում տրանսպորտային միջոցի հաշվառման համարանիշը անընթեռնելի է։

Դիմումի քննարկման արդյունքում պարզվել է, որ դիմումատուի փաստարկը չի համապատասխանում իրականությանը, քանի որ Ոստիկանության կայքէջում տեղադրված է և վարչական ակտի հասցեատիրոջը հասանելի է իրավախախտումն ամրագրած տեսանյութը, որն ապացուցում է վերջինիս կողմից Nissan մակնիշի 70VV002 հաշվառման համարանիշի տրանսպորտային միջոցով Երևան քաղաքի Տերյան – Աղայան փողոցների խաչմերուկի հատվածում հանդիպակաց /հակադիր/ հոսքերն իրարից բաժանող զծանշումը հատելու փաստը։

Այսպիսով՝ Վարչական իրավախախտման վերաբերյալ ՀՀ օրենսգրքի 124-րդ հոդվածի 2-րդ մասով սահմանված է սանկցիա տուգանք՝ 10000 ՀՀ դրամի չափով, հետևաբար վարչական պատասխանատվության ենթարկելու մասին որոշումն օրինական է և իրավաչափ, ուստի պետք է կրել օրենքով սահմանված ոչ բարենպաստ հետևանքները։

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.05.2018թ. թիվ 1808048121 որոշումը թողնել անփոփոխ, իսկ վարչական բողոքն առանց բավարարման։
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում։
3. Սույն որոշման օրինակն ուղարկել Պետրոս Մարկոսյանին։

Ե.Կարապետյան